



**KERAJAAN MALAYSIA**

---

**SURAT PEKELILING AKAUNTAN NEGARA MALAYSIA  
BILANGAN 1 TAHUN 2018**

**PERATURAN BAYARAN BANTUAN KHAS AIDILFITRI  
TAHUN 2018**

---

**JABATAN AKAUNTAN NEGARA MALAYSIA**

<b>BIL.</b>	<b>KANDUNGAN</b>	<b>MUKA SURAT</b>
1.	Tujuan	1
2.	Latar Belakang	1
3.	Pelaksanaan	2
	3.1 Tarikh Pembayaran	2
	3.2 Peruntukan Untuk Membayar Bantuan Khas Aidilfitri Tahun 2018	2
	3.3 Kaedah bayaran Bantuan Khas Aidilfitri Tahun 2018	2
	3.4 Potongan ke atas Cukai Pendapatan, Caruman Kumpulan Wang Simpanan Pekerja (KWSP) dan Caruman Pertubuhan Keselamatan Sosial Pekerja (PERKESO)	3
	3.5 Kod Urusniaga	4
4.	Hal-Hal Lain	4
5.	Tarikh Kuatkuasa	4
6.	Pembatalan	5
7.	Penutup	5

ANM(T) 81/10/6/10 (41)



**KERAJAAN MALAYSIA**

**SURAT PEKELILING AKAUNTAN NEGARA MALAYSIA  
BILANGAN 1 TAHUN 2018**

Semua Ketua Setiausaha Kementerian  
Semua Ketua Jabatan Persekutuan  
Semua Ketua Akauntan Kementerian  
Semua Pengarah Negeri/Cawangan Jabatan Akauntan Negara Malaysia (JANM)  
Semua Pusat Tanggungjawab

**PERATURAN BAYARAN BANTUAN KHAS AIDILFITRI TAHUN 2018**

**1. TUJUAN**

Surat Pekeliling ini adalah bertujuan untuk menetapkan peraturan bayaran Bantuan Khas Aidilfitri Tahun 2018 kepada pegawai Perkhidmatan Awam Persekutuan.

**2. LATAR BELAKANG**

- 2.1 Kerajaan telah menetapkan kadar Bantuan Khas Aidilfitri Tahun 2018 adalah sebanyak RM400 kepada penjawat awam di Gred 41 dan ke bawah.
- 2.2 Kadar Bantuan Khas Aidilfitri Tahun 2018 sebanyak RM200 juga dipanjangkan pemberiannya kepada pesara kerajaan yang menerima pensen.
- 2.3 Surat Pekeliling ini hendaklah dibaca bersekali dengan Pekeliling Perkhidmatan Bilangan 1 Tahun 2018 - Bantuan Khas Aidilfitri Tahun 2018 bertarikh 4 Jun 2018, surat daripada Kementerian Kewangan rujukan KK/BPP/R (29.00)202/2-41 JLD 4 – Bayaran Khas Aidilfitri 2018 untuk Penjawat Awam dan Pesara Kerajaan bertarikh 30 Mei 2018 dan MOF.DS(S)600-40/3/3(5) – Bantuan Khas Kewangan *Contract For Service* Tahun 2018 bertarikh 5 Jun 2018.

### 3. PELAKSANAAN

Pelaksanaan tatacara perakaunan bagi Bantuan Khas Aidilfitri Tahun 2018 adalah seperti berikut:

#### 3.1 Tarikh Pembayaran

Bantuan Khas Aidilfitri Tahun 2018 ini akan dibayar pada **5 Jun 2018**.

#### 3.2 Peruntukan Untuk Membayar Bantuan Khas Aidilfitri Tahun 2018.

Kementerian/ Jabatan hendaklah membayar Bantuan Khas Aidilfitri Tahun 2018 menggunakan peruntukan tahun 2018. Sekiranya peruntukan ini tidak mencukupi, permohonan peruntukan tambahan hendaklah dibuat kepada Perbendaharaan.

#### 3.3 Kaedah Bayaran Bantuan Khas Aidilfitri Tahun 2018

Terdapat dua (2) kaedah bayaran Bantuan Khas Aidilfitri Tahun 2018 iaitu melalui:

##### 3.3.1 Bayaran melalui Sistem Gaji Berkomputer

###### (a) Tanggungjawab Pejabat Perakaunan

- i. Mengeluarkan **Laporan Penerima Bayaran Khas** kepada Pusat Tanggungjawab (PTJ).
- ii. Memproses Bantuan Khas Aidilfitri Tahun 2018 setelah Pusat Tanggungjawab (PTJ) mengesahkan **Laporan Penerima Bayaran Khas**.

###### (b) Tanggungjawab Pusat Tanggungjawab (PTJ)

- i. Menyemak **Laporan Penerima Bayaran Khas**. Pegawai yang tidak layak hendaklah dikeluarkan daripada laporan tersebut.
- ii. Mengutip **semua amaun** yang telah dibayar kepada pegawai yang tidak layak menerima Bantuan Khas Aidilfitri Tahun 2018 dengan kaedah berikut:
  - Bagi pegawai yang masih berkhidmat, tindakan pemotongan secara sekaligus hendaklah diambil bagi bayaran gaji bulan berikutnya;

- Bagi pegawai yang dikenakan hukuman tatatertib, ditamatkan perkhidmatan demi kepentingan awam dan pegawai yang meletak jawatan dalam tempoh 1 Januari 2018 sehingga 5 Jun 2018 kutipan tunai hendaklah dibuat ke atas pegawai.

### 3.3.2 **Bayaran Melalui Arahan Pembayaran (Kew. 330E)**

#### **Tanggungjawab Pusat Tanggungjawab (PTJ)**

Menyediakan Arahan Pembayaran (Kew. 330E), Jenis Transaksi K2 beserta Penyata Perubahan Mengenai Pendapatan Seseorang Pegawai (Kew. 8) dan dokumen sokongan yang lain.

- 3.4 Potongan ke atas Cukai Pendapatan, Caruman Kumpulan Wang Simpanan Pekerja (KWSP) dan Caruman Pertubuhan Keselamatan Sosial Pekerja (PERKESO) tidak dilaksanakan tertakluk seperti berikut:

#### 3.4.1 **Cukai Pendapatan**

Bantuan Khas Aidilfitri Tahun 2018 tidak akan dikira sebagai pendapatan bagi tujuan pengiraan cukai pendapatan.

#### 3.4.2 **Caruman Kumpulan Wang Simpanan Pekerja (KWSP)**

Bantuan Khas Aidilfitri Tahun 2018 ini adalah tidak termasuk di bawah definisi "Upah" sepertimana yang diperuntukkan di bawah Seksyen 2, Akta Kumpulan Wang Simpanan Pekerja (KWSP) 1991 (Akta 452). Sehubungan dengan itu ianya tidak perlu dicarumkan ke Kumpulan Wang Simpanan Pekerja (KWSP).

#### 3.4.3 **Caruman Pertubuhan Keselamatan Sosial Pekerja (PERKESO)**

Bantuan Khas Aidilfitri Tahun 2018 ini tidak perlu dicarumkan ke Pertubuhan Keselamatan Sosial Pekerja (PERKESO).

### 3.5 Kod Urus Niaga.

Kod urus niaga yang perlu digunakan bagi Bantuan Khas Aidilfitri Tahun 2018 melalui adalah seperti berikut:

Kod Elaun ( <i>Payroll</i> )	Kod Akaun (2018)	Perihal Kod Akaun
1077	B0117104	Pemberian Khas Kakitangan Awam
1077	B0117204	Pemberian Khas Pasukan Keselamatan
1077	B0229306	Pemberian Khas Pekerja Sementara atau Sambilan

## 4. HAL-HAL LAIN

Sekiranya terdapat sebarang pertanyaan lanjut mengenai Surat Pekeliling Akauntan Negara Malaysia (SPANM), Kementerian/ Jabatan dan Pejabat Perakaunan boleh merujuk kepada pihak berikut:

Pengarah  
Bahagian Pengurusan Operasi Pejabat Perakaunan (BPOPP)  
Jabatan Akauntan Negara Malaysia  
Aras 3, Kompleks Kementerian Kewangan  
No.1, Persiaran Perdana  
62594, Presint 2  
Putrajaya  
u/p: Unit Pengurusan Prestasi  
Emel : unit\_prestasi@anm.gov.my  
No. Telefon : 03-8882 1624/1612/1622/1611

## 5. TARIKH BERKUAT KUASA

Surat Pekeliling ini berkuat kuasa mulai pada tarikh dikeluarkan.

## 6. PEMBATALAN

Dengan berkuat kuasanya surat pekeliling ini, **Surat Pekeliling Akauntan Negara Malaysia Bil. 5 Tahun 2017** rujukan ANM(T)81/10/6/10 (34) bertarikh 22 Disember 2017 adalah **dibatalkan**.

## 7. PENUTUP

Kementerian/ Jabatan dan Pejabat Perakaunan hendaklah memastikan peraturan yang ditetapkan dalam surat pekeliling ini dipatuhi.

**“BERKHIDMAT UNTUK NEGARA”**

Saya yang menurut perintah,



**DATUK SAAT BIN ESA C.A.(M)**

Akauntan Negara Malaysia

5 Jun 2018

s.k :

Ketua Setiausaha Negara

Ketua Pengarah Perkhidmatan Awam

Ketua Setiausaha Perbendaharaan

Ketua Audit Negara

Pegarah Jabatan Arah Urusan Gaji Angkatan Tentera (UGAT)

Semua YB Setiausaha Kerajaan Negeri

Semua YB Pegawai Kerajaan Kewangan Negeri

Semua Akauntan/ Bendahari Negeri